

歷代職官表

冊大

墨池先生集

目次

欽定歷代職官表卷五十五

各省駐防將軍等官表

駐	防	將	軍	
				三代秦
				漢
			將軍尉	後漢三國晉
			將軍尉	宋齊
			將軍尉	北魏
			將軍尉	北齊
			將軍尉	後周
			將軍尉	隋
			將軍尉	唐
			將軍尉	五季
			將軍尉	宋
			將軍尉	遼
			將軍尉	金
			將軍尉	元
			將軍尉	明

歷代職官表

卷五十五

中華書局聚

[illegible]

校	騎	驍	禦	防
---	---	---	---	---

隊正

百戶

珍傲宋版印

各省駐防將軍等官

國朝官制

直隸

保定府城守尉一人防禦四人驍騎校四人

滄州城守尉一人防禦四人驍騎校四人

寶坻縣防守尉一人防禦二人驍騎校一人

東安縣防守尉一人防禦二人驍騎校一人

采育防守尉一人防禦二人驍騎校一人

霸州防禦尉一人防禦二人驍騎校一人

固安縣防守尉一人防禦二人驍騎校一人

雄縣防守尉一人防禦二人驍騎校一人

良鄉縣防守尉一人防禦二人驍騎校一人

謹案以上俱稽察九處駐防旗務大臣所屬故列於熱河密雲山海關

三處副都統之前

熱河副都統一入協領兼佐領五人佐領十五人防禦二十人驍騎校二十人
密雲縣副都統一入協領四人佐領十六人防禦十六人驍騎校十六人分駐
古北口防守尉一人防禦二人驍騎校四人昌平州防守尉一人防禦二人驍
騎校一人

山海關副都統一入協領兼佐領二人佐領六人防禦八人驍騎校八人分駐
喜峯口防守尉一人防禦二人驍騎校四人冷口防守尉一人防禦二人驍騎
校三人玉田縣防守尉一人防禦二人驍騎校二人三河縣防守尉一人防禦
二人驍騎校二人順義縣防守尉一人防禦二人驍騎校一人永平府防守尉
一人防禦二人驍騎校二人羅文峪防禦一人驍騎校二人

謹案以上三處副都統皆自率所屬專鎮一方別無將軍都統以節制
之其張家口都統惟轄察哈爾八旗別見各處辦事大臣表中茲不復

陝西

西安將軍一人副都統二人協領兼佐領八人佐領三十二人防禦四十人驍騎校四十人

甘肅

寧夏將軍一人副都統一人協領兼佐領五人佐領十九人防禦二十四人步營防禦二人驍騎校二十四人涼州副都統一人協領兼佐領二人佐領六人防禦八人驍騎校八人莊浪城守尉一人佐領四人防禦四人驍騎校四人
謹案各省副都統皆統於將軍惟涼州副都統不屬寧夏將軍節制

江蘇

江寧將軍一人副都統一人協領兼佐領八人佐領三十二人防禦四十人驍騎校四十人分駐京口副都統一人協領兼佐領二人佐領十四人防禦十六人驍騎校十六人

浙江

杭州將軍一人副都統一
人協領兼佐領九人佐領二十三人防禦二十人驍騎校三十二人分駐乍浦副都統一
人協領兼佐領五人佐領十一人防禦八人驍騎校十六人

湖北

荊州將軍一人副都統一
人協領兼佐領十人佐領四十六人防禦五十六人驍騎校五十六人

廣東

廣州將軍一人副都統一
人協領兼佐領八人佐領八人防禦三十二人驍騎校三十二人水師營協領一人佐領二人防禦二人驍騎校六人

福建

福州將軍一人副都統一
人協領兼佐領八人佐領八人防禦八人驍騎校十六人水師營協領一人佐領二人防禦二人驍騎校六人

四川

成都將軍一人副都統一人協領兼佐領五人佐領十九人防禦二十四人驍騎校二十四人

山東

青州副都統一人協領兼佐領四人佐領十二人防禦十六人驍騎校十六人兼轄分駐德州城守尉一人防禦四人驍騎校四人

謹案山東駐防未設將軍惟以副都統管領與熱河密雲山海關諸處

同例

山西

太原城守尉一人防禦四人驍騎校四人

謹案山西城守尉乾隆二十五年定歸巡撫節制

河南

河南城守尉一人佐領十人防禦十人驍騎校十人

謹案河南城守尉乾隆二十五年亦定歸巡撫節制

歷代建置

謹案戍防險要三代已然然因事而行及期而代特以爲征調之役不以爲設官之制也秦漢以後兵制遞更或隨時以制宜或應機而馭變經畫措置靡所不周而求如

國朝駐防之法者則史籍所傳未之前睹夫綠旗之兵名爲統於標營實則散在塘汛每猝不易集有勁旅爲之坐鎮而後遇有調發乃可以振策卽行綠營之兵騎射不能盡爛戰鬪亦不能盡勇多相沿積習有八旗爲之矜式而後耳濡目染乃可以相觀漸化

祖宗定鼎之初必以羽林七萃棋布星羅於天下用意至爲深遠且卽三代盛時出車還率雨雪楊柳有道途之感瓜苦栗薪有家室之情故征調可暫不可常惟駐防之制挈挈以往世其廩祿則居處安而人心固又主客異形山川殊勢地非素習未習長驅惟駐防之制世居是土明其道路之夷險識其攻守之緩急則遇事駕輕就熟雖戍兵而無異土人蓋

一舉而數善備焉此誠非自古以來籌兵者之所意及故博稽史籍亦無舊典之可徵然蕭統有言椎輪爲大輅之始層冰爲積水所成古來用武之朝善謀之將亦有窺見此意之一二者謹撫其近似具列於左用備參攷焉

三代

未置

謹案周禮夏官曰司險掌九州之圖以周知山林川澤之阻皆有守禁鄭康成註曰國曰固野曰險夏官有掌固掌在國城郭則司險掌畿外阻固也蓋名山大澤不以封凡險奧之區皆隸王室有王官以司其禁戒是亦駐防之意然有司之守非軍旅之鎮也又易袞周禮總義曰詩溥彼韓城燕師所完傳以爲燕安也言王師久屯於外皆安集也則周時王國六師固有分屯調守之事攷小雅有遣戍勞還之詩多述其載離寒暑則當時鄉遂六師不過有事征遣無事歸耕與駐防之永鎮一方者亦有異今不敢附會古義強相牽合用以見

國朝兵制之善爲三代之所未及也

秦未置

謹案漢書嚴安列傳稱秦使蒙恬將兵戍於北河又使尉佗將卒戍越然皆非久駐之師其統兵之官亦未嘗有特設之制也

漢

〔司馬貞史記索隱〕孔文祥云邊境有屯兵後因置將屯將軍

謹案章如愚山堂攷索曰漢高祖之世南北二軍不出而民兵散在郡國有事以羽檄召材官騎士以備軍旅文帝始以銅虎符代檄當時各因其地以中都官號將軍將之如魏邀爲北地將軍周竈爲隴西將軍事已而罷是將軍之因地爲名實昉於此然事已而罷則與今駐防將軍迥異至漢書武帝本紀稱元光元年衛尉李廣爲驍騎將軍屯雲中其事亦與秦戍北河等惟司馬貞史記索隱所稱將屯將軍以屯駐邊疆特設此制所將雖亦郡國之兵而坐鎮一方與今駐防將軍尙髣髴

相似也

後漢

〔後漢書和帝本紀〕永元十一年復置右校尉官

〔李賢注〕東觀記曰置在西河鵠澤縣

謹案漢之五校本衛宿禁旅然每遠出屯戍如鄧鴻以將軍長史率五營士屯雁門朱寵以北軍中候將五營士屯孟津是也班雄以屯騎將五營兵屯長安三輔征西馬賢將左右羽林五校士屯漢陽西河鵠澤亦置右校尉均以禁近親兵分布於巖疆重地與今駐防將軍之制相近

〔洪适隸釋〕張公神碑監黎陽營謁者豫章南昌李朝伯丞釋曰漢志注云世祖以幽并州兵騎定天下特於黎陽立營以謁者監之

謹案漢官儀中興以幽冀并州兵克定天下故於黎陽立營以謁者監之攷光武以幽冀并兵制勝與唐高祖太原兵同皆所謂自將親兵也謁者以內臣典天子親兵置營黎陽與今之駐防各官相近後漢書馬

武竇固陳訢以黎陽營兵破西羌鄧訓以黎陽營兵防烏丸竇憲以黎陽營兵破匈奴劉尚以黎陽營兵破迷唐度尚以黎陽營兵救零陵然則黎陽營在後漢當與五校並重故必以中謁者典之於外重兵重鎮委任必由禁近也又攷玉海載北邊有變則置度遼官南蠻或叛則置象林兵羌犯三輔則置長安雍二尉鮮卑入寇則置漁陽營永建元年緣邊增步兵陽嘉元年緣海各屯兵而扶風漢陽三百塢魏郡恆山六百一十六塢凡此皆以重兵分屯但主之者未必皆由內臣而因事設屯興廢無常與今各省駐防當有閒也

三國

未置

晉

未置

謹案晉書溫嶠列傳稱先朝使五校出田今四軍五校有兵者及護軍所統外可分遣三軍出并屯要害處是亦駐防之意然嶠之所請當時未見舉行特虛有是議而已

宋齊梁陳 未置

北魏

〔周書鄭偉列傳〕魏恭帝二年進位大將軍除江陵防主都督十五州諸軍事專戮副防主杞賓王坐除名

謹案北魏六鎮皆在代京之北以屏蔽平城故都各鎮鎮將實近今

盛京各處駐防副都統之職故不列於此表惟江陵防主副防主之類則近於今之各省駐防將軍及副都統矣

北齊 未置

後周 未置

隋

〔隋書文帝本紀〕開皇十年五月乙未詔曰魏末役車歲動未遑休息權置防府南征北伐居處無定朕甚愍之凡軍人可悉屬州縣墾田籍帳一與民同軍府統領宜依舊式罷山東河南及北方極邊之地新置新府